

SOCIETÀ LÖ D'INSCUNTER LAVIN



Padruot Fried, Somchants 14, CP 7, 7543 Lavin,
Tel 079 528 11 06, padruot.fried@gmx.ch

Rapport da gestiun 2023

Charas commembras, chars commembers, charas faaturas e chars fauteurs, charas amias e chars amis da la Chasa Fliana.

Quist rapport cumpiglia la perioda dals 30 da marz 2023 fin al di d'hoz.

La suprastanza s'ha reunida per 2 tschantadas quist on, la prüma jada a Scuol e la segunda jada a Lavin. Ils invids a las sezzüdas e'ls protocols vaina deponà sün nossa nüvla cumünaivla da Google Drive e quels documaints sun accessibels a tuot la suprastanza.

Dals 24 october 2023 fin als 12 da december ha gnü lö nos program, sco üsità, mincha mardi a las 09:15h in sala polivalenta a Lavin. Meditaziun, referat cun discussiun, schoppa da giuotta, o ün'otra schoppa, desert e caffè illa Chasa Fliana, davomezdi lavurs in gruppas, scumpartidas in differents locals in tuot il cumün.

Ils seguaints cuors han gnü lö: **Lavurs da man da tuot gener** cun Claudia Schlumpf, Zuoz - **Fieutrar chasinas ed anguels** cun Cornelia Balz, Samedan - **Atelier dad aquarel** cun Ursina Ganzoni, Sent – **Gimnastica, per restar corporalmaing e mentalmaing fit** cun Anny Unternährer, Scuol - **Giovar a schach per minchün** cun Andri Luzi, Cinuos-chel - **Giovar a la tschinquina per minchün** cun Silvia Steiner, Zernez.

Cuors specials per pauras e paur nu sun gnüts realisats ingüns quist on, pero id ha dat contacts respectivs cun duonna Gianna Martina Peer dal Plantahof. Ils seguaints referats sun gnüds preschantads davo las meditaziuns dals paders e ravendas las avantmezdis:

“Strategias da survivor da bes-chas e plantas” referat dad Anna Mathis, Scuol (rumantsch) - **„L'Engiadina Bassa avant 200 ons“** referat da Paul Grimm, Ftan (rumantsch) - **„Ausflug in die Dramatherapie“** referat dad Imke Marggraf, Scuol (tudais-ch) - **„Cun metals cunter bacterias“** referat dad Angelo Frei, Bern, (rumantsch) - **„Las cruschs cristianas conquistaran las muntognas“** referat da Jon Mathieu, Ramosch, (rumantsch) - **„Experienzas ed impreschiuns da 30 ons da lavur in pajais in svilup“** referat dad Andri Bisaz, Lavin, (rumantsch) - **„La crappa da l'Engiadina Bassa“** referat dad Anna Rauch, Sent, (rumantsch) - **„Bunura d'Advent“** cun prelecziun da Gianna Duschletta (rumantsch) e chant avert cun Christa Pinggera, Zernez.



La partecipaziun als cuors ed als referats es statta fich buna. Üna sesantina da personas as vaivan scrittas aint pels cuors. Ad ün referat vain dombrà sur 90 partecipantas e partecipants. Ün grond grazcha fich va al comitè d'organisaziun, al uschedit "team" al qual fan part Mengiafila Luzi, Ramosch, Ursina Ganzoni, Sent, Berta Marugg, Scuol, Erica Bischoff, Scuol, Anna Margaritta Filli, Lavin, Christa Pinggera, Zernez e Christiana Willy, Zuoz. Il comitè ha dimena eir quist on organisà ün program fich interessant e pisserà cha las partecipantas e'ls partecipants as chattan bain. Ün müdamaint haja dat quist on l'ultim di da noss cuors e referats: davo la prelecziun, il chant e l'exposiziun da las lavurs fattas aint ils cuors in sala polivalenta, s'ha la brajada spostada in Chasa Fliana e giodü fich la pizza fatta be daspera aint il fuorn cumünaivel vegl da Lavin chi'd es gnü tut in funcziun be ultimamaing. Grazcha fich eir a Turi Thoma e sia famiglia. Accupagnada es gnüda la pizza d'ün büfe da salattas gondiusas da nossa cuschinunza Cilgia Etter! Cun interessantas cuntribuziuns da las gruppas da lavur e chant e musica cun Christa e Linard sun ils cuors 2023 its a fin.

La situaziun finanziaria es fich allegraivla ed es circa equilibrada grazcha a la buna partecipaziun als cuors ed als sustegns finansials dal Chantun Grischun, da la Corporaziun Energia Engiadina e dals ses cumüns Zernez, S-chanf, La Punt-Chamuesch, Val Müstair, Valsot e Scuol. In detagl muossa nos quint entradas da frs. 29642,89 e sortidas da frs. 30085,30 dimena üna pitschna perdita da frs. 442.41. Per la prüma jada quist on ha nossa chaschiera Erica Bischoff fat la bilantscha e'l quint final per nossa società. Cun quai vain pudü annular il contrat da collavuraziun cul fiduziari Accontaris a Scuol e spagnar quels raps pels cuors e pels referats. Il nomer da commembras e commembers s'ha augmentà per 2 ed es uossa a 181. Allegraivel es cha diversas duonnas giuvnas sun entradas quist on in nossa società.

Per finir ün grazcha fich a tuots chi han contribui al success da nossa società da quist on, specialmaing eir a la pressa chi ha rapportà da nossas activitads sco eir als organs da nossa società cul team e la suprastanza sco eir als revisuors da quint sar Fadri Häfner, Guarda e sar Armon Bezzola, Zernez.

Lavin, ils 27 da marz 2024

Il president: *Padruot Fried*

Padruot Fried

